



**“DI 10 PA 16 DI JULI MAYORNAN
POR HACI PETICION PA CAMBIO
DI SCOL - PA SCOLNAN CU NO TA
RESORTA BOU DI SKOA”**



WWW.SOLODIPUEBLO.COM



SOLODIPUEBLO@GMAIL.COM

MIKE DE MEZA CU OTRO CASO CONTRA MINISTERIO PUBLICO



CASTIGO DI PRISON PA GRUPO CU TABATA PASA DROGA DEN KIA CU DRONE

**Gobierno falta liderasgo y transparencia
NOMBRACION DI SR. RENE HERDE
COMO MINISTER NO TA DEN
BIENESTAR DI PAIS ARUBA**



**ACCION DI
BARIO TA
CONTINUA:
JABURIBARI
A HAYA SU
ATENCION!**

A DUNA TOUR DI CAS DI COMITE OLIMPICO ARUBANO Y CONTA SOBRE OLIMPISMO



Partido Movimiento Electoral di Pueblo MEP

SHAILINY TROMP-LEE Y EVELYN WEVER-CROES DEN PROGRAMA RADIAL “INTERES DI PUEBLO” DIASABRA AWOR

ORANJESTAD - Tur diasabra di 11or mainta pa 1or di merdia Edmond Croes ta hasi entrevistanan riba temanan actual via radio Top FM den e programa “Interes di Pueblo”. Diasabra awor, 12 di juli e lo tin como invitado parlamentarionan Shailiny Tromp-Lee y Evelyn Wever-Croes.

Nan lo elabora riba ultimo desaroyonan general na Aruba, den gobierno y den parlamento. Lo tocan en todo caso e nombracion di e minister nobo sr. Herde, pero tambe e falta di liderasgo

y e falta di transparencia.

Tambe nan lo toca maneho di e gobierno cu ta casi non-existent wardando pa e formacion completo cu ta tardando asina tanto. Y claro, lo elabora riba logronan importante di partido MEP den ultimo añanan.

Sintonisa e programa INTERÉS di PUEBLO diasabra awor 12 di juli, 11or mainta pa 1or di merdia via radio Top FM 95.1



CALYPSO SHOWDOWN DEDICA NA CLAUDIUS “MIGHTY TALENT” PHILIPS

Riba dia 9 di augustus 2025, Claudius Philips “Mighty Talent” ta ricibi un “Lifetime Achievement Award” durante e Calypso Showdown presenta pa Stichting Musica.

E contribucion di Claudius Philips na e mundo musical di Aruba, en particular den e genero di Calypso, ta impresionante. Mighty Talent tin e record como Calypsonian cu a gana e corona di Calypso King na mas hopi ocasion; semper treciendo mensahenan sociopolitico skerpi dilanti,

cu un toke di dobel sinti y unificando e comunidad di “pariba” y “pabao” cu su combinacion di

Ingles y Papiamentu. Un berdadero bos di pueblo, cu comunidad henter tabata anticipa pa scucha durante Calypso contest y Aruba Caiso & Soca Monarch, specialmente “e extra couplet” cu e tabata estrena durante e competencia final. E aña aki Aruba lo conoce e “Calypso Showdown” riba dia 9 di augustus den centro di San

Nicolas na Kulture Café. Diescincu Calypsonian lo competi pa e corona di Aruba Caiso Monarch 2025 den un ambiente vibrante y acompaña pa un All Star Band bao direccion di director musical

Dwight Leoneta. Publico presente lo por sinta y mira e show di cada participante, pa asina

scucha cada palabra, cada melodia y cada letra di cada Calypso.

Durante fin di siman Stichting Musica a sorprende e legendario Claudius Philips den un forma

unico, pa asina extende un invitacion special na su persona pa atende e magno festival “Calypso Showdown”, na unda cu e lo ricibi su “Lifetime Achievement Award”. Mighty Talent a ricibi e invitacion y momento cu honor y orguyo. Presidente di Stichting Musica, sra. Edwina Werleman

a amplia cu e presencia di Mighty Talent na e Calypso Showdown lo ta sumamente balioso pa e

organizacion y e publico presente, pero tambe lo ta pa inspira e generacion nobo y amantenan di Calypso.

E impacto cu Claudius Philips a causa den e mundo di Calypso na Aruba ta grandi y sigur ta algo

di elogia y celebra mientras cu e ta na bida. Pa e motibo aki Stichting Musica ta invita henter pueblo di Aruba, en particular esnan cu ta sostene nos cultura, musica y arte local, pa ta presente na e Calypso Showdown riba dia 9 di augustus na Kulture Café pa asina honra e baluarte musical y conoce nos Aruba Caiso Monarch 2025. Un presentacion di Stichting



Musica, conhuntamente cu Setar NV y cu aporte di Brouwerij Balashi. Kaarchinan di entrada ta obtenibel via Pay.aw y tambe na CITGO Boulevard y CITGO Essoville.

Parlamentario Evelyn Wever-Croes

Gobierno falta liderasgo y transparencia

NOMBRACION DI SR. RENE HERDE COMO MINISTER NO TA DEN BIENESTAR DI PAIS ARUBA

ORANJESTAD – Diaranson atardi a wordo yama un reunion relampago den Parlamento pa asina haya aprobacion pa señor Baba Herde por huramenta como Minister di Infraestructura y Energia. A duna parlamentarionan apenas 15 minuut pa yega Parlamento pa atende e reunion. Durante e reunion aki tanto partido Futuro y partido AVP a bai di acuerdo cu dicho proposicion y asina a aproba nombracion di señor Herde. Parlamentario Evelyn Wever-Croes a indica cu pa su persona e ta hopi straño con presidente di Parlamento por a yama e reunion aki asina liher, mirando cu fraccion di MEP tin lunas ta pidi pa diferente reunionnan y nan no ta wordo yama.

Pa loke ta e tema di e reunion, Parlamentario Wever-Croes a indica cu pais Aruba pa 3 luna no conoce liderasgo ni un gobierno completo tampoco, y cu nombracion di e minister nobo aki, ainda e gobierno no ta completo mirando cu ainda falta e minister plenipotenciario na Hulanda cu en realidad ta hopi necesario.

Parlamentario Wever-Croes a caba di bolbe di un biahe na Hulanda, y eynan por a scucha y mira cuanto falta e GevMin di Aruba ta hasi. E falta di tuma decision aki di e gabinete Eman-Croes ta causando danjo na e imagen di Aruba.

Tambe e Parlamentario a muestra riba e falta di transparencia den ultimo 3 lunanan, indicando cu tin hopi pregunta haci pa no solamente pa fraccion di MEP – mas cu 800 - sino tambe pa AVP-Futuro - mas di 200 - cu no ta wordo contesta pasobra gobierno no ta yega Parlamento pa duna contesta y no ta contesta e preguntanan hasi por escrito tampoco.

Tambe Parlamentario Wever-Croes a expresa su preocupacion cu gobierno, djies pa yena un cartera, ta trece un pensionado aden pa ocupa dicho poscion. E cartera di Infraestructura y Energia tin hopi reto y investigacionnan penal andando y lo mester hopi atencion. Mas pio ainda ta e echo cu nan ta declara cu señor Mike de Meza cu ta un parlamentario lo yuda señor Herde y dun'e conseho. Esaki ta un violacion di nos constitucion y

di nos trias politica. Ta bisto cu e meta tras di pone un pensionado den e funcion aki ta pa señor den Meza por sigui “Wheel and deal” manera cu e ta desea.

Parlamentario Wever-Croes finalmente a expresa cu Mike Eman como lider di AVP poniendo sr. Herde como minister cu no ta riba lista di AVP, ta dunando un bofta den cara di tur e candidatonan riba su lista y specialmente e hobennan. Den Parlamento tin hende cu hopi experiencia, cu tabata director di departamento, cu tabata tin posicionnan clave den enseñansa y den companianan estatal cu por a tuma e funcion aki. Pero na fin di dia mayoria di parlamentarionan di AVP y Futuro mes a aproba e nombracion aki y e ‘brevet van onvermogen’ di nan lider.

“Personalmente mi no ta kere cu esaki ta e miho escohencia paso mi no ta kere cu señor Herde tin e conocimiento necesario pa maneja un cartera asina importante. E nombracion aki lo laga espacio pa otro influencianan sigui “Wheel and deal” manera e gobierno aki ta




custuma.

Mi ta spera cu esaki lo conduci cu nos lo mira liderasgo den e pais aki y cu e gobierno aki lo cuminsa funciona y tuma decision. No por frena e desaroyo di pais Aruba paso pa 7 año y mei Aruba a conoce diferente, un gobierno cu liderasgo y gobernacion firme den tempo bon, malo y hopi malo. E ta importante pa e gobierno aki cuminsa traha di berdad y crea un Aruba realmente dushi pa nos biba riba dj'e” Parlamentario Wever-Croes a expresa.

DAMA A BIRA MALO TRAS DI STUUR Y DAL AUTO Y BORCHI DEN PARKINGLOT

Diahuebs atardi a drenta informe di un chauffeur cu a bira malo tras di stuur y a bay dal auto y borchí den Parkinglot di Superfood, mesora a dirigi tanto polis como ambulans na e sitio. Na yegada di e ambulans nan a atende e dama y a pone den ambulans pa despues a hib'e hospital mientras e taxi cu e dama chauffeur a dal mester a bay hiba turista pero despues a bolbe na e sitio. Polis a presenta pa asina traha rapport di locual a sosode.





NoticiadiCorte

CASTIGO DI PRISON PA GRUPO CU TABATA PASA DROGA DEN KIA CU DRONE

ORANJESTAD – Awe mainta Hues a dicta sentencia den e caso penal cu Ministerio Publico a cuminsa contra e hombernan D.R.A.(29) y R.D.P.(28) y e damanan L.T.(23) y K.D.(22).

SOLO DI PUEBLO por a compronde cu Hues ta haya e hombernan D.R.A. y R.D.P. culpabel di a pasa droga den KIA cu Drone y cu e damanan L.T. y K.D. ta culpabel di complecidad.

FISCAL A EXIGI CASTIGO COMBINA

Luna pasa tratamiento di e caso a tuma lugar caminda Fiscal a bisa cu e ta haya e hombernan D.R.A. y R.D.P. culpabel di pasa droga den KIA via Drone y cu e damanan L.T. y K.D. ta complice. Fiscal a exigí pa D.R.A. y R.D.P., 18 luna di prison di cual 6 luna ta condicional

cu 2 año di prueba. Pa e damanan L.T. y K.D., Fiscal a exigí 360 dia di prison di cual 258 dia ta condicional. Pa tur cuater, Fiscal a pone e condicion cu durante e tempo di prueba nan ta cay bou guia di Reclasing.

HUES A DICTA SENTENCIA

Hues a bisa cu e ta haya cu D.R.A. y R.D.P. ta culpabel di pasa droga cu Drone den KIA. Hues ta haya cu e damanan L.T. y K.D. ta culpabel di complicidad o sea a yuda. Hues a muestra cu tin combersacion via whatsapp entre e parehanan caminda claramente e damanan sa cu cosnan ilegal tabata tuma lugar.

CASTIGO COMBINA

Pa cu e castigo, Hues a bisa cu e ta tene cuenta

cu a usa Drone pa pasa droga den KIA. Hues a bisa cu ta conoci cu droga ta malo pa salud di hende y ta causa criminalidad. Hues ta haya cu loke ta haci e caso mas serio ta e hecho cu a trafica droga den KIA.

Hues a sigui bisa cu e ta tene cuenta cu orientacion di castigonan pa casonan similar. Hues a condena e hombernan D.R.A. y R.D.P. na 18 luna di prison, di cual 6 luna ta condicional cu 2 año di prueba. Hues a ordena cu durante e periodo di prueba, nan ta cay bou guia di Reclasing. Hues a condena e damanan L.T. y K.D. na 9 luna di prison di cual 6 luna ta condicional cu 2 año di prueba y cu nan tambe ta cay bou guia di Reclasing.

INSCRIPCION PA PROYECTO “DREAM, DARE, DO” & “COMPETENCIA HUBENIL GANG DI ARTE ARUBA” A CUMINSA



Departamento di Cultura Aruba (DCA), den cooperacion cu Fundacion Popcorn y bao auspicio di Ministerio di Cultura Aruba, ta presenta cu hopi orguyo e proyecto vacacional: Dream, Dare, Do & Competencia Hubenil Gang di Arte 2025.

DCA ta hopi contento di por anuncia cu e competencia hubenil Gang di Arte ta den pleno preparacion y desaroyo.

E invitacion ta habri pa tur hoben entre 13 te 21 año cu tin interes pa participa den e trayecto creativo y

formativo. E año aki Gang di Arte ta celebrando su di 19 año di existencia.

E competencia a bira un plataforma consisti pa hobennan creativo y continuamente ta muestra talento, calidad y entusiasmo di e hobennan. DCA ta sigui eleva e nivel di e competencia ofreciendo premionan relaciona cu e area di specialisacion di e ganado(nan), cu tambe lo sirbi como “cara” di e competencia y representa Gang di Arte durante evento y actividadnan nacional y internacional

durante un año.

E trayecto ta cuminsa entre diahuebs 17 te diasabra 26 di juli, cu tayernan central. E periodo di preparacion lo sigui pa desaroya e obranan creativo y e gran final di competencia hubenil Gang di Arte cu lo tuma luga diabierna 29 di augustus, caminda ta saca e ganadonan pa cada disciplina artistico y entre e prome luganan lo apunta e ganado absoluto lo wordo selecciona. E persona cu gana lo representa Aruba den un intercambio internacional.

Luga di e tayernan y encuentro: John F. Kennedy Education Center.

Pa inscribi, por bai na e facebook-paginanan di:

- Dream, Dare, Do
- Gang di Arte Aruba
- Popcorn Dancers



- Departamento di Cultura Aruba y yena e formulario den e siguiente link:

☐ <https://forms.gle/7dlmajkrh7wrxnqv7>

Pa mas informacion por

tuma contacto cu Freddy Tromp (Popcorn Dancers) na 567-0088, Freddy Montoya (DCA) na 565-6903 of Esmara Martis (DCA) na 749-8801

ACCION DI BARIO TA CONTINUA: JABURIBARI A HAYA SU ATENCION!



Accion di Bario tin e meta pa incentiva e habitantenan pa reconoce cierto problema y brinda nan e hermentnan pa por yuda soluciona esakinan den forma colectivo como habitante di e barionan. Diahuebs mainta, e ekipo di Accion di Bario a bishita e bario di Jaburibari, caminda a topa cu e habitantenan y pone man hunto pa rebiba e area negligisha.

E maneho pa reforestacion di nos isla tambe ta forma parti den e programa di Accion di Bario. E reforestacion lo bira un proyecto nacional cu diferente partner formando parti di dje. Pa e motibo aki, Prome Minister a planta un mata di Fofoti na entrada di Parke Curason na Jaburibari.

Prome Minister Mike Eman ta sigui cu e meta pa reactiva e programa

semanal di “Accion di Bario”.

Accion di Bario ta un programa cu Prome Minister Eman a inicia durante di Gabinete Mike Eman I, y cu a continua sagradamente durante di su di dos gabinete. Accion den Bario ta consisti di un grupo di instancianan manera DOW, Serlimar, Bureau City Inspector, GKMB, Polis di Bario y Sociale Zaken, cu hunto cu Prome Minister, ta cana den bario y atende cu varios problema cu ta encontra riba caminda publico.

Durante e ultimo 7 pa 8 aña, gobierno anterior a negligisha y bandona mayoria bario den cual habitantenan tabata sclama pa atencion social, pa e hobennan, pa parkenan di recreo y pa mehoracion di e calidad di bida den e barionan

cu a keda deteriora. “Tin un necesidad grandi pa limpiesa den barionan tur rond di Aruba, y e habitantenan ta sinti cu gobierno anterior a bandona nan”, Prome Minister Eman a menciona. Ta di vital importancia pa ta cerca di comunidad, pa inventarisa e situacion den cada bario y scucha e dolornan y deseonan di e habitantenan. Hopi biaha ta cosnan chikito cu por nifica hopi y por tin impacto positivo pa e habitantenan. Esakinan ta inclui canchanan



deportivo, manera esun situa den Parke Curason, cu den pasado a construi y cu mester mantencion, e luznan, e aceranan di caya cu mester drecha, pero tambe facilita e hobennan den e barionan.

E compromiso di Gabinete AVP-Futuro, ta pa revitalisa nos barionan di manera structura y duradero pa tur hende por biba un bida digno.



NOS TA CERA

Administratie di Units,
Stafafdeling y OLC ta atende
publico di 8 am – 1 pm.

Lo ta cera riba e siguiente fecha:

- Unit C&T: 25 juli t/m 15 augustus
- Unit S&S: 28 juli t/m 11 augustus
- Unit ECO: 28 juli t/m 11 augustus
- Unit H&T: 28 juli t/m 11 augustus
- HR: 4 t/m 8 augustus
- Directie Secretaressse: 21 juli t/m 1 aug

Finansas y OLC lo **keda habri** den
vakantie



NoticiadiCorte

MIKE DE MEZA CU OTRO CASO CONTRA MINISTERIO PUBLICO

ORANJESTAD – Awe abogado mr. D.Croes hunto cu hurista Duineveld a bay edificio di Corte pa entrega peticion pa un otro caso sumario di Parlamentario Mike de Meza contra Ministerio Publico.

SOLO DI PUEBLO por a compronde cu de Meza kier sa si Ministerio Publico ta cuminsa un caso penal contra di dje of no. Por a compronde cu e abogado y hurista di de

Meza, no ta haya cu Ministerio Publico a cumpli cu e sentencia anterior di Hues.

Luna pasa, Hues den su sentencia di e caso sumario di Mike de Meza contra Ministerio Publico, a ordena Ministerio Publico pa informa de Meza si e ta un sospechoso y kico ta e acusacion. Ministerio Publico a informa Mike de Meza su abogado mr. D.Croes cu Mike de Meza ta un sospechoso y a menciona un articulo di ley pa cual ta sospecha Mike de Meza.

Abogado mr. D.Croes y hurista Duineveld, despues di evaluacion ta di opinion cu Ministerio Publico no a cumpli cu e sentencia di Hues.

Awe a entrega e peticion di e caso sumario caminda mr. D.Croes y Duineveld ta pidi Hues pa ordena Ministerio Publico cumpli cu e sentencia anterior y tambe nan ta existi pa Ministerio Publico dicidi si ta cuminsa caso penal contra Mike de Meza of no.

“DI 10 PA 16 DI JULI MAYORNAN POR HACI PETICION PA CAMBIO DI SCOL - PA SCOLNAN CU NO TA RESORTA BOU DI SKOA”



Oranjestad, Aruba: SKOA ta informa cu desde 10 te cu 16 di juli ta e fecha pa mayornan haci peticion pa cambia nan yiu(nan) di scol cu no ta resorta bou di

SKOA. Despues di e fecha aki, solamente situacionan extraordinario lo wordo acepta como motibo pa cambio di scol.

Documentonan necesario pa cambio di scol:

- U i t t r e k s e l bevolkingsregister (papel di Censo)
- Copia di AZV-kaart of seguro priva pa aña escolar 2025-2026
- Ultimo rapport di alumno / estudiante

Despues cu a cumpli cu e rekesitonan mayornan lo ricibi un respuesta pa cu e peticion di cambio di scol despues di 10 dia di trabou. Despues di esaki lo ricibi un carta di ubicacion

y por continua na inscribi e yiu(nan) na e scol nobo.

Dicon scoge pa SKOA? SKOA ta e organisacion di educacion mas grandi na Aruba cu ta ofrece educacion di calidad halto. SKOA tin un curriculum completo cu ta enfoca ariba e desaroyo y crecimiento general di cada alumno y estudiante. SKOA ta enfatisa su balornan Catolico, comunicacion na nivel multilingual, inclusion, innovacion y tambe actividadnan

extra-curricular. Como mayor bo por ta segura cu bo yiu(nan) lo ricibi un educacion completo na SKOA. Si bo kier pa bo yiu experiencia un forma diferente pa siña y descubri su potencial aplica na SKOA.

Pa haya mas informacion di tur e scolnan cu ta resorta bou di SKOA por bishita nos website www.skoa.aw. Pa contact nos directo por yama nos na (+297) 523 1800 durante orario di oficina.

BOMBERONAN A BAY PA UN CAS NA CANDELA NA KOYARI

Diahuebs atardi a drenta informe di cu tin un cas na candela na Koyari, mesora a dirigi bomberonan na e sitio. Na yegada di e bomberonan a bin descubri cu aki ta trata di un persona kimando yerba den cura di cas y no tin peliger di expansion.



GRADUACION DI FILOMENA COLLEGE MAVO 2025

Den Renaissance Convention Center a tuma luga e graduacion di studiantenan di Filomena College MAVO di 2024-2025.

Despues cu Himno di Aruba a resona, mener di KGL, Alexander Paesch a cuminsa cu un oracion pidiendo y gradiciendo creador pa tur e bendicion ricibi. Despues di a yama tur presente un cordial



Bon Bini, director Raquel Lampe a felicita y desea tur e graduadonan tur exito di mundo pa futuro. Tambe el a gradici cada mayor pa e confiansa deposita den Filomena College MAVO. E parti di graduacion a start cu anuncio di e miho graduado di 2025 cu a resulta Angel Robles Henao. Angel tawata e miho graduado tambe pa e materianan Spaans, Wiskunde, Natuurkunde y Scheikunde. E miho pa Nederlands, Engels y Biologie tawata Sayana Jandroep. Pa e materianan Papiamento y CKV tawata Destiny Kock. Miho di Aardrijkskunde



tawata Willienne Peña. Pa Geschiedenis, Raizon Figaroa a resulta e miho y pa Economie Gadiel Dania.

Aardrijkskunde Addonsito Croes y e dj tawata Dj Eli. Filomena College MAVO ta orguyoso di a logra 85% di graduado e aña aki.

E MC tawata mener di

GABINETE AVP-FUTURO TA ANUNCIA AUMENTO STRATEGICO DI YUDANSA SOCIAL PA FAMIANAN VULNERABEL Y PA PROMOVE IGUALDAD DEN COMUNIDAD



Den esfuerso continuo pa garantisar igualdad di oportunidad y sosten financiero pa famianan vulnerabel, Prome Minister mr. Mike Eman, hunto cu Minister di Salubridad Publico drs. Mervin Wyatt-Ras, ta anuncia un serie di aumento strategico den e programa di asistencia social, cu lo bin na vigor den aña escolar 2025-2026.

Tur comienso di un aña escolar nobo ta trece gasto extra pa famianan, manera compra di articulonnan di scol, transporte y

contribucion di mayornan. Pa famianan cu ta depende di bijstand, specialmente solteronan y esnan cu yiu cu ta bay scol, e gastonan aki ta un peso grandi. Mirando cu nan situacion financiero ta fragil, Gobierno a haya necesario pa ahusta e sosten actual, pa garantisar igualdad social y oportunidad igual den e siguiente forma:

1. Aumento di 'schooluitkering' pa compra di articulonnan di scol
Pa alivia e peso financiero

riba famianan cu ta depende di bijstand, lo duna un aumento anual durante luna di augustus of september 2025 pa yuda cu e compra di articulonnan escolar necesario.

- Actualmente, e suma ta AWG 220 pa cada mucha/niu cu ta bay scol, cu un maximo di AWG 800 pa cada famia.
- Cu e ahuste nobo, e suma ta subi pa AWG 250 pa cada mucha/niu, cu un maximo di AWG 1.000 pa famia,.
- 2. Aumento di contribucion di mayornan na schoolgeld. Departamento di Asunto Social ta contribui na e gasto di schoolgeld pa famianan cu ta depende di bijstand via un 'contribucion di mayor' anual.
- Actualmente, e suma ta AWG 120 pa cada mucha/niu.
- Cu e ahuste nobo,



e contribucion ta subi pa AWG 250 pa cada mucha/niu.

3. Aumentodi 'maandelijkse schooltoeslag'
E 'schooltoeslag' mensual ta destina pa famianan cu ta depende di bijstand y cu tin yiunan entre 3 y 24 aña cu ta sigui voltijds dagonderwijs (estudio durante dia na full-time).

- Actualmente, e suma ta AWG 250 pa cada mucha/niu pa luna.
- Cu e ahuste nobo, e suma lo bira AWG 300 pa luna.
- 4. Aumento di bijstand

basico pa tur hende
Pa sigura cu e sistema di sosten social ta refleha e realidad socio-economico actual, lo aumenta e suma mensual pa tur hende.

• Actualmente, e suma di bijstand ta AWG 450 pa luna.

• Cu e aumento nobo, e suma lo subi pa AWG 600 pa luna
Gobierno ta reafirma su compromiso pa sosten esnan mas vulnerabel den nos comunidad, y pa crea un base di oportunidad igual pa tur mucha y famia den Aruba.

MINISTER DI HUSTICIA ARTHUR DOWERS A REUNI CU SEPPA RELACIONA CU ARUBUS Y DEPARTAMENTO DI INMIGRACION

Diaranson, Minister di Husticia, mr. drs. Arthur Dowers, a tene un reunion constructivo cu representante di SEPPA, sra. Magaly Brito y sr. Edmundo Marlin, hunto cu shopstewards di ARUBUS y Departamento di Inmigracion.

Durante e reunion, a trata varios tema relaciona cu bienestar laboral di empleado na e dos entidadnan menciona. Un

di e temanan principal tabata e contrato colectivo (CAO) cu a vence pa empleadonan di ARUBUS, cu ainda no a keda cla. Tabata ex minister di Transporte Ursell Arends cu a haci e compromiso pa un suma di 500 mil florin adicional pa ARUBUS, cual e minister nunca a cumpli cu ne.

Ademas, a trata e maneho general den Departamento di Inmigracion cual



preocupacion ta biba entre e empleadonan. Minister Dowers a expresa

su comprension pa e preocupacionnan presenta y a sigura SEPPA cu lo haci

su maximo esfuerso pa yuda yega na solucionnan practico y duradero.

A DUNA TOUR DI CAS DI COMITE OLIMPICO ARUBANO Y CONTA SOBRE OLIMPISMO

Alumnonan di Mon Plaisir Basis School 6de klas di bishita na COA



Siman pasa a ricibi bishita di alrededor di 50 mucha cu ta den 6de klas di Mon Plaisir Basis School, como meta di educa e grupo di deporte, balornan Olimpico y kico kiermeen Olimpismo. E bishita aki a ser organisa door di Juliandrah Rodriguez cu como docente na Mon Plaisir, a participa den 2024 como "Youth Olympic Ambassador" representando Aruba na Olympia, Grecia.

E tour aki a conta cu un

recorido di e edificio completo, ambos paden y pafo, unda a splica e diferente areanan di interes, como por ehempel e banner cu nos atletanan local y e significado di e renchinan Olimpico. E obhetivo di un bishita asina ki ta pa no solamente splica y duna informacion riba kico tur COA y e mundo Olimpico ta representa, si no tambe pa inspira y motiva nos hobennan pa forma parti di e mundo di deporte, cuminsando di hoben door di practica

deporte y haci movecion. Hopi di e muchanan a indica di haci deporte caba y ta desea pa un dia logra di tambe representa nos isla na nivel internacional.

COA ta gracidi Mon Plaisir Basischool, e docentenan cu a yuda guia y tur hoben cu a participa na e bishita aki, y ta spera di bolbe ricibinan den futuro. COA ta semper dispuesto pa

duna mas di e tournan aki, como meta di concientisa nos comunidad di e importancia di deporte pa nos comunidad. #TEAMARU

CARROUSEL DI EXPRESION, TALENTO Y CREATIVIDAD

Un proyecto artistico y multidisciplinario den colaboracion cu Buki di Pret



Departamento di Cultura Aruba ta habri inscripcion pa muchanan cu tin talento pa baile, teatro, arte visual, canto of musica. Esaki ta bo oportunidad pa forma parti y biba un experiencia inolvidabel. Pa ken?

Muchanan cu tin gana di

explora nan talento y siña den un ambiente creativo, ademas di conoce parti di nos herencia y identidad. Tema central: “Nos Cas ta Bon Traha” Un espacio pa descubri potencial, expresa identidad y construi un futuro briyante. Fecha: 15 di augustus

Orario: 10:00am – 4:00pm
Luga: John F. Kennedy Education Center
Presentacion final pa famia y publico: 3:00pm – 4:00pm
Inscribi awor!
Pasa durante ora di oficina na John F. Kennedy Education Center y yena bo formulario di inscripcion. Cupo ta limita pa 50 mucha. Participacion ta completamente gratis.

Lo tin un maestro di cada disciplina artistico cu lo comparti diferente tecnica cu e muchanan por uza pa yega na e presentacion final di nan obra y resultado. Solamente mester tin hopi disposicion pa participa den tur tayer y bin c’un



pañã comodo cu por susha, verf riba dje y boter di awa. No perde bo oportunidad! Pa mas informacion por

yama na: 565-69-03 of 582-2185. Pregunta pa Eleen Rasmijn of Freddy Montoya.

MOTOCICLISTA A SLIP Y A CAY CU BROMMER NA SERO PATRISHI Y A RESULTA HERIDA!

Diahuebs merdia a drenta informe di un accidente cu hende herida na Sero Patrishi, mesora a dirigi tanto polis como ambulans na e sitio. Na yegada di e patruya ya caba ambulans tabata atende e victima na e sitio y ta cla pa hib’e hospital. Locual a sosode ta cu e motociclista a bay core brommer y ora ela pasa den awa ela slip dal abao y a bay dal riba un baki mata resultando heridando su mes. Ambulans a atende y a transporte pa hospital.



REFORESTACION NA ARUBA: PLAN PA PLANTA 100.000 MATA ROND ARUBA PA RESTAURA NATURALES, PROTEHA CONTRA CALOR Y EMBEYECE NOS ISLA

Diahuebs atardi, a lansa e plan ambicioso y sin precedente pa planta 100.000 mata rond di nos isla, durante un ceremonia special di apertura pa e Programa di Reforestacion di Aruba. E evento a trece 27 organisacion no-gubernamental (NGO's) cu a uni na e mesun meta: restaura nos habitat natural, yuda proteha nos hendenan contra e calor, y crea mas sombra tur rond di Aruba.

Durante e ceremonia, Francielle Laclé, un lider

hoben y consehero di politica ambiental pa Ministerio di Naturalesa, a enfatisa cu den cuater aña, kier logra planta cien mil mata. Esaki por logra si tur hende traha hunto. Mester di cooperacion y compromiso di tur sector pa logra un Aruba mas berde.

E proyecto ta un esfuerso colectivo entre organisacionnan ambiental, scolnan, sector priva, turismo, comercio y mucha mas. Den e prome sesion cu stakeholders, a establece e siguiente paso: formacion di un

“stuurgroep” cu lo guia e proceso, y tambe un klankbord pa duna espacio na mas organisacion pa duna input, comparti idea y forma parti di e proyecto.

Un di e companianan principal for di inicio di e plan ambicioso aki ta Grupo Bennu, y den nan number, Joannette Vrutaal, HR Manager di Bennu, a hiba palabra y a gradici famia Ibrahim, cu apesar di ta den exterior, a bay di acuerdo di biaha pa sostene y forma parti di e momento historico. Total Grupo Bennu a planta

65 mata riba e rotonde adopta, contribuyendo pa yega mas cerca di e meta di cien mil.

Sra. Vrutaal a subraya cu “aunke e rotonde ta chikito, e ta un simbolo – manera nos himno: chikito y simpel, pero respeta y gusta pa tur hende”.

Sra. Vrutaal a gradici Gobierno di Aruba, pa acepta e propuesta y facilita e proyecto. Ademas a gradici Fantastic Garden pa su cooperacion y pa haci posible e plantacion cu por aprecia awe. Aunke e rotonde no ta



completamente cla, Sra. Vrutaal a sigura cu esaki lo bira un di e rotondenan di mas bunita riba Aruba.

E Programa di Reforestacion ta mas cu solamente planta mata – ta un movimiento pa un Aruba mas fresco, mas verde y mas unido.

REFLECCION

NO CONSULTA CU E BRUHONAN PA BO NO BAY DEN FIERNO

Awendia, bo por lesa den prensa y scucha na radio e servicionan cu e bruhonan ta ofrece. Nan ta discipelnan di satanas. Nan ta bini cu diferente titulongan y nombrenan bao di un capa, manera lobonan bisti den cueronan di carne. E bruhonan ta pidi bo nomber, bo portret y bo fecha di nasimento, pa nan monta y yama e diabelnan, pa nan haya informacionnan riba bo y nan ta usa e carta tarrot pa sa bo futuro etc. Unabes cu bo bay na e bruhonan, bo ta keda marka, pasobra e demonionan ta keda bo tras na unda cu bo bay. Si bo puntra bo mes, pakiko? Pasobra ta bo mes a yama e demonionan, pa medio di e bruhonan.

Lo bo sinti movecionnan diabolico rond di bo, lo bo tende stemnan rond di bo, pasobra e meta di e demonionan ta, pa nan drenta den bo y pa bo keda posei. Tin hende cu ta posei y sin cu e mes no sa. Pasobra tin ora e persona ta den su mes y tin ora e diabelnan ta domina e persona.

E meta di posei ta, cu e diabelnan tin e persona bao di dominio, den un chamber sin salida. Ora cu e persona aki muri, e diabelnan ta bay cu su alma.

Compronde bon, e bruhonan ta gana nan plaka pa medio di e servicionan di e demonionan y e bruhonan tin cu paga e demonionan cu bo alma. Na tur esnan cu ta consulta cu e bruhonan of den tarrot, nan destino final ta den e tanki di candela y azufre den fierno, lesa den Bijbel Revelacion 21: 6-8. Si bo tin un problema den bo bida, no bay y no yama e bruhonan.

Pero busca y bay na un Pastoor di bo Parokia of bay na un persona hopi spiritual den grupo di oracion, pa e resa cu bo, pa e papia cu bo, pa bo haya bon conseho y spiertamento spiritual. Hinka den bo mente, cu ta Cristo-Hesus ta E caminda, E berdad, E bida y nos destino final. Na tur esnan cu ta arepentí di nan actonan,

bay na un Pastoor di Parokia, pa bo confesa bo pikanan mortal na Dios y pa bo por ta salba.

Seferino Tromp

Please pa publika.

Di antemano masha danki.

Clasificados




SOLODIPUEBLO@GMAIL.COM
CEL. 585 9500



ARUBA TA DESPEDI DI UN PIONERO DI TURISMO

RODERICK 'RORY' GILBERT ARENDS



Diahuebs atardi a tuma lugha e conmovedor despedida di Sr. Roderick 'Rory' Arends den Pro Catedral San Francisco di Asis na Playa. Entre famia, amigo, destacadonan den sector turistico, Prome Minister mr. Mike Eman, hunto cu Minister di Turismo mr. Wendrick Cicilia, amigonan yfamia, a rindi respet y honor na bida di un persona, cu den su trayectoria a laga un legado impresionante atras.

Riba 30 di juni ultimo Aruba a keda sorprendi cu e noticia di fayecimento di e "doctor di turismo", Sr. Roderick Gilbert Arends. Miho conoci como Rory.

Minister Wendrick Cicilia como mandatario cu e cartera di turismo, a expresa cu como generacion nobo, e ta honra e bida di un pionero cu a nifica asina hopi pa

pais Aruba. Cu gratitud pa tur locual cu ta construi awe riba e fundeshi fuerte cu nos pionero- y legendarionan cu hopi sacrificio, a laga pa nos.

Rory tabata un personahe ehemplar y respeta p'e industria di turismo. A sirbi como ex-presidente y CEO di AHATA durante e periodo di aña 1990 pa aña 2000. Ademá a desplega un bunita trabou como director na Aruba Tourism Bureau (ATB) durante e periodo di 1985 te cu 1989. Rory tabata un pionero den e transformacion di ATB pa ATA.

Prome Minister Mike Eman a hiba palabra na despedida di un persona cu a para na cuna di e organizacion di turismo di Aruba. Awe a despedi di dje, pero ta para keto un rato y cu sentido di merito pa locual Sr. Rory Arends a

nifica pa e industria aki. Si tin un hende cu a biba cu e amabilidad y hospitalidad cu ta representa nos rond mundo, tabata Rory Arends.

obierno di Aruba ta desea forsa y profundo condolencia na famia y tur cu a stima Rory. Rory ta laga un legado impresionante atras pa tur cu ta sigui sirbi den

e sector mas importante di nos pais y a haci esaki fielmente pa mas cu trinta aña.

Cu Sr. Roderick Gilbert Arends, sosega na paz.

Oracion di dia

UN DIA FRUCTIFERO COLMA CU GRACIA, AMOR Y PAZ DI SEÑOR.
"..ORA MI BAY, MI TA MAND'E PA BOSO. " HUAN 16, 7

Rumannan den Evangelio di awe ta pone nos medita riba e promesa cu Hesus a haci na su discipelnan, esta "ora Mi bay, Mi ta mand'E pa boso". E promesa di Hesus aki, lo manifesta su mes den e di tres persona di Santisima Trinidad, cu nos ta yama Dios Spirito Santo, E Paraclito. Ta sumamente importante pa e discipelnan por realisa cu maske nan maestro lo bandona nan fisicamente ora E bay, nan lo no keda desampara. Tabata necesario pa demostra cu e mision aki no ta basa riba nan mes forsa, pero cu E yudansa di Dios Spirito Santo, cu lo guia nan pa cumpli cu e tarea cu Señor a encarga nan cu ne. Rumannan nos tambe ta yama pa biba e mesun experiencia aki, si nos laga Spirito Santo guia nos. E mesun Spirito Santo aki lo yuda nos di sigui cumpli cu e mision cu Señor a encarga nos. Spirito Santo lo prepara nos pa mira kico ta pica, husticia y huicio. Spirito lo ungi nos cu su donnan. Spirito Santo lo manda nos proclama e palabra di berdad. Ni maske cuanto prueba nos pasa aden, ni maske cuanto tempo esaki por dura, Spirito Santo semper lo t'ey pa yuda nos persevera den caminda di santidad.

Oracion: Spirito Santo duna nos e forsa pa sigui persevera. Amen.

FORTALEZA PA FAMIA

Scirbi pa Pastor Marcel Balootje.

WARDA RIBA SENJOR , NO LAGA EMOCION, PONE BO FE TAMBALIA

David tabata rondona di hende emocional, den e temporada cu Rey Saul tabata persigi e, y nan tabata bise pa e mata Saul ora e henja un chens, y David a bisa, ami no ta mishi cu e ungi di Dios.

Abraham a laga emocion di Sara domine, y Sara a manda Abraham bay drumi cu su cria Hagar y causa un problema te cu dia di awe.(Genesis 16:1-15).

Dios mes a papia pa medio di e Angel di Senjor prome cu Ismael nace bisando na Hagar:

Lo mi multiplica bo descendientenan masha hopi mes, asina cu nan lo ta muchu pa conta.
Y e Angel di Senjor a sigi bisa Hagar :
Mira bo ta na estado,
Y lo bo hanja un yiu homber.
Y lo bo dune e nomber Ismael,
Pasobra Senjor a tende bo afliccion.

E lo ta un homber salbahe, su man lo ta contra tur hende, y tur hende su man lo ta contra dje. Y e lo biba den presencia di tur su rumannan.(Genesis 16:10-12).

Laga nos tur wak bon con Dios a tene misericordia di Hagar y Ismael, pasobra nan no tabata parti di Sara su emocion.

Despues di tempo ora Ismael a crece a surgi problema den e cas y emocion di Sara a lanta atrobe y e a bisa Abraham corre cu e cria aki y su yiu homber, pasobra e yiu di cria aki lo no ta heredero hunto cu mi yiu Isaac.

Sara tabata wak e herencia, enbes di wak cu Ismael tambe ta yiu di Abraham.E cos a duel Abraham hopi pero Dios a trankilisa su curason.(Genesis 21:11-13).

Y e emocion ey a trece rabia te cu awe den Medio Oriente y hasta tin pais cu ta bisa cu

mester caba cu Israel completamente , nan no tin derechi di existi.

Emocion a lanta, Sara a kere cu e a bira bieu y no kier a warda riba promesa di Senjor,

Pero awe nos tur sa cu ora Dios . priminti bo algo ta di bo e ta, no tin ningun hende ni tampoco diabel cu por kite for di bo, solamente nos mester sinja warda riba Senjor.

Den tur scual di bida cu Hose por a pasa e a warda riba Senjor y e a bira gobernador na Egipto.

Pa motibo di emocion y murmuracion di un pueblo, Moises a rabia y dal e baranca, enbes di papia cu e baranca manera Dios a bise pa haci y ta pesey e no dreña e tera priminti.
Cuanto hende awendia pa falta di pasenshi y emocion halto ta dreña den relacion robes, cu despues ta resulta cu hopi dolor nan por sali, y hasta tin biaha un hende su propio emocion y su falta di Fe por causa nan bida.

Cuanto mama soltero no tin cu pa motibo di emocion nan a bruha den gustamento y amor, caba na final e persona cu a duna nan un yiu, no a balora nan pa matrimonio ni tampoco a reconoce e yiu.

Cuanto tata soltero tin awendia , cual e mama no kier pa nan reconoce e yiu, ni pa e tata bishita su yiu , pasobra nan kier ta independiente, y apenas ta bisa e yiu ken ta su tata.

Emocion ta enemigo di Fe,
Fe ta poderoso,
Fe ta move man di Dios,
Sin Fe ta imposibel agrada Dios.
Emocion ta temporal y enganoso.
Fe ta sostene nos bida,
Fe ta duna crecimiento,
Fe ta vence maldad.
No laga emocion domina boso curason, warda semper den Fe riba Senjor.
Sinceramente, Pastor Marcel Balootje.

SUDOKU

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		

PELICULA DEN AIRE LIBER DURANTE VAKANTIE GRANDI



Biblioteca Nacional Aruba ta yama tur mucha bin wak pelicula den Aire liber. 4 siman tras di otro tin presentacion. E prome presentacion di pelicula ta cuminsa diahuebsa awo, dia 17 di juli y biblioteca ta presenta e animation ‘Moana 2’. E siman despues ‘The wild robot’, e di tres siman ‘Dogman’ y por ultimo ‘Minecraft movie’. Tur presentacion ta cuminsa 7or.

San Nicolas: Biblioteca ta presenta 2 pelicula na biblioteca na San Nicolas pa tur mucha di San Nicolas y besindario. Presentacionnan ta diaranson dia 23 di juli y diaranson dia 6 di augustus.

Oranjestad: Presentacion na Playa ta 4 diahuebs anochi. Lugar: patras di biblioteca. Prome presentacion ta diahuebs



dia 17 di juli, 24 di juli, 31 di juli y e ultimo presentacion ta diahuebs dia 7 di augustus 2025. Tur mucha y nan mayor ta bon bini. Tur presentacion ta gratis y ta cuminsa 7or. Pues, por bay biblioteca cu tur amigo, ruman y bisiña.



PELICULA den AIRE LIBER

GRATIS!
ORA: 7:00 PM

	San Nicolas	Playa
MOANA 2		Diahuebs 17 juli '25
THE WILD ROBOT	Diaranson 23 juli '25	Diahuebs 24 juli '25
DOGMAN		Diahuebs 31 juli '25
MINECRAFT MOVIE Rating: PG	Diaranson 6 augustus '25	Diahuebs 7 augustus '25



BIBLIOTECA NACIONAL ARUBA

PEATON A CRUSA MAL CAMINDA Y AUTO A DAL E DEN UN BAHADA !

Diahuebs mainta a drenta informe di un accidente cu hende herida pabao di e Anker na Colony, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda cu un auto bayendo pa Colony na e bahada di e Sero pabao di e anker a topa inmediatamente cu un peato crusando caminda y a dal e. Na yegada di e ambulans nan a atende



e victima colombiano di transporte cu urgencia pa riba 60 aña di edad y a hospital.

PARLAMENTARIO JENNIFER ARENDS-REYES TA GRADICI SECTOR ENSEÑANSA PA AÑA ESCOLAR 2024-2025



ORANJESTAD (10 di juli 2025) - Na ocasion di fin di e aña escolar 2024-2025, parlamentario Jennifer Arends-Reyes, kier tuma e oportunidad pa gradici tur hende cu a pone nan curazon den e formacion di nos yiunan: directiva di scol, maestronan, personal educativo y por supuesto, nos studiantenan y nan famia. Un aña escolar ta semper yena di desafio,

momentonan feliz y lesnan pa bida. Mi kier felicita tur estudiante cu a logra bay over, gradua of cuminsa un otro etapa den nan formacion. Especialmente mi ta manda hopi exito y forsa na e muchanan cu ta bay studia na exterior – pa sigui pone Aruba ariba y sigui persigui nan soño!

Pa e muchanan cu no a logra pasa e aña aki: no perde animo. Cada aña ta un oportunidad nobo. Tuma e vakantie pa recarga, refleha y prepara bo mente y bo curazon pa e reto nobo cu ta bin. Mi ta desea tur famia na Aruba un vakantie feliz y trankil. Y mi ta haci un yamada special na tur mayor: disfruta di e momentonan aki cu bo yiu, lanta e dialogo, pasa tempo hunto.

Un otro motibo pa gradici,

ta e apoyo concreto cu e gobierno AVP-FUTURO a duna na famianan cu ta den necesidad. E aña aki a bin cu aumento den e yudansa pa schoolgeld y tambe un aumento den e schoolkinderentoeslag. Esaki ta un gran alivio pa hopi famia y un muestra cu nos ta bay den direccion husto, cu empatia y sosten.

Mi compromiso como parlamentario y como educador ta pa sigui traha pa un sistema educativo fuerte, husto y inspirativo.

Un pueblo sin bon educacion, ta un pueblo sin rumbo – pero Aruba tin potencial, talento y den bo, estudiante, e speransa di mañan. Feliz vakantie di zomer – y nos ta mira bos bek, mas fuerte, mas motiva, den aña escolar 2025-2026.

AMBULANS A BAY PA DAMA CU A BIRA MALO NA PANADERA NA PONTON!

Diahuebs mainta a drenta informe di cu un dama a bira malo na un panaderia na Ponton, mesora a dirigi un ambulans na e sitio. Na yegada di e ambulans a bin compronde cu aki ta trata di un un dama di 57 aña cu tin dolor den pecho y problema pa hala rosea. Mesora nan a atende y a transporte pa hospital unda eynan e lo ricibi mas atencion medico.





Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - July 11, 2025

 Sorteo # 4677 0431 7257 5001 FP  Sorteo # 4677 3914 X2  Sorteo # 2733 8844  Sorteo # 4677 0543 Libra  Sorteo # 1551 645 X2	 <table><tr><th>Sorteo #</th><th>Joker</th><th>Letter</th></tr><tr><td>0 x Jackpot</td><td colspan="2">Proximo Jackpot</td></tr><tr><td>0 x Match 4+</td><td colspan="2">220.000,-</td></tr><tr><td>0 x Match 4</td><td colspan="2"></td></tr><tr><td>0 x Afl. 12,00</td><td colspan="2"></td></tr></table>  <table><tr><th>Sorteo #</th><th>Proximo Jackpot</th></tr><tr><td>0 x Jackpot</td><td>52.000,-</td></tr><tr><td>0 x Match 4</td><td></td></tr><tr><td>0 x Afl. 8,00</td><td></td></tr></table>  <table><tr><th>Sorteo #</th><th>Mega Ball</th></tr><tr><td>0 x Jackpot</td><td>Proximo Jackpot</td></tr><tr><td>0 x match 4</td><td>250.000,-</td></tr><tr><td>0 x Afl. 500,00</td><td></td></tr><tr><td>0 x Afl. 50,00</td><td></td></tr><tr><td>0 x Afl. 15,00</td><td></td></tr></table>  Afl. 350.000,-  Sorteo #	Sorteo #	Joker	Letter	0 x Jackpot	Proximo Jackpot		0 x Match 4+	220.000,-		0 x Match 4			0 x Afl. 12,00			Sorteo #	Proximo Jackpot	0 x Jackpot	52.000,-	0 x Match 4		0 x Afl. 8,00		Sorteo #	Mega Ball	0 x Jackpot	Proximo Jackpot	0 x match 4	250.000,-	0 x Afl. 500,00		0 x Afl. 50,00		0 x Afl. 15,00		
Sorteo #	Joker	Letter																																			
0 x Jackpot	Proximo Jackpot																																				
0 x Match 4+	220.000,-																																				
0 x Match 4																																					
0 x Afl. 12,00																																					
Sorteo #	Proximo Jackpot																																				
0 x Jackpot	52.000,-																																				
0 x Match 4																																					
0 x Afl. 8,00																																					
Sorteo #	Mega Ball																																				
0 x Jackpot	Proximo Jackpot																																				
0 x match 4	250.000,-																																				
0 x Afl. 500,00																																					
0 x Afl. 50,00																																					
0 x Afl. 15,00																																					



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - July 11, 2025

 Sorteo # 8592 6672 3701 7609 X2  Sorteo # 7636 8424 X2  Sorteo # 2341 3989  Sorteo # 6395 1180 Libra  Sorteo # 1325 277 FP	 <table><tr><th>Sorteo #</th><th>Joker</th><th>Letter</th></tr><tr><td>0 x Jackpot</td><td colspan="2">Proximo Jackpot</td></tr><tr><td>0 x Match 4+</td><td colspan="2">220.000,-</td></tr><tr><td>8 x Match 4</td><td colspan="2"></td></tr><tr><td>163 x Afl. 12,00</td><td colspan="2"></td></tr></table>  04-06-12-19-28 <table><tr><th>Sorteo # 6882</th><th>Proximo Jackpot</th></tr><tr><td>0 x Jackpot</td><td>52.000,-</td></tr><tr><td>8 x Match 4</td><td></td></tr><tr><td>132 x Afl. 8,00</td><td></td></tr></table>  <table><tr><th>Sorteo #</th><th>Mega Ball</th></tr><tr><td>0 x Jackpot</td><td>Proximo Jackpot</td></tr><tr><td>0 x match 4</td><td>250.000,-</td></tr><tr><td>0 x Afl. 500,00</td><td></td></tr><tr><td>0 x Afl. 50,00</td><td></td></tr><tr><td>0 x Afl. 15,00</td><td></td></tr></table>  Afl. 350.000,-  Sorteo #	Sorteo #	Joker	Letter	0 x Jackpot	Proximo Jackpot		0 x Match 4+	220.000,-		8 x Match 4			163 x Afl. 12,00			Sorteo # 6882	Proximo Jackpot	0 x Jackpot	52.000,-	8 x Match 4		132 x Afl. 8,00		Sorteo #	Mega Ball	0 x Jackpot	Proximo Jackpot	0 x match 4	250.000,-	0 x Afl. 500,00		0 x Afl. 50,00		0 x Afl. 15,00		Sorteo # 197 169827 
Sorteo #	Joker	Letter																																			
0 x Jackpot	Proximo Jackpot																																				
0 x Match 4+	220.000,-																																				
8 x Match 4																																					
163 x Afl. 12,00																																					
Sorteo # 6882	Proximo Jackpot																																				
0 x Jackpot	52.000,-																																				
8 x Match 4																																					
132 x Afl. 8,00																																					
Sorteo #	Mega Ball																																				
0 x Jackpot	Proximo Jackpot																																				
0 x match 4	250.000,-																																				
0 x Afl. 500,00																																					
0 x Afl. 50,00																																					
0 x Afl. 15,00																																					

“Dios ta Amor...y Amor ta Dios”

Maske mi no ta na e mundo aki, tur biaha lo mi ta banda di boso Curason,
Mi por stens di loke Señor ta hasi” Salmo 33
Cu hopi tristesa den nos curason nos ta anuncia perdida di un
heroe di Turismo, un icono pa Aruba su Desaroyo den su totalidad.

Mayornan: † Dr. Jacob “Coco” Rudolf Arends y
† Sofia Margarita Maria Arends

Felismente Casa: † Lucia Casimira Arends- Krozendijk
Alegria di Yiu: Abigael Noelia Sofia Arends
Sgt. Peppers Compañe: Dushi Arends

Persona di cuidu y di cas priva: Cristina Mateo Ramirez “Cristina”
Diana Patricia Castaño Osorio “Diana”
Luz Marina Moreno Cantillo “Luz Perdomo”
Abigael N.S. Arends “Mi Yui”

Divorcia di mama di su yuinan: † Orquidea Maria “Tonia” Villasmil y famia
Yuinan : † Roderick “Rorito” G. Arends Jr.
na Naples, Florida, USA Edith “Tita” Arends (†-Simon)
Joalis Arends (- Brokke)

Nieto(a)nan : Justin Brokke y famia
Kaihle Brokke y famia
Tahnyshah “Tahny” Simon y Famia
Táickie Simon y Famia

Ruman: † Jacob “Ru” Rudolf Arends y famia
Subrino: Jacob “Ruudje” Rudolf Arends Jr. y famia, Rusette Arends y famia
Amigo Manera Ruman: † “Cobito” Angela y famia, Mirto Granadillo y famia, Michael Kuiperi y famia,
Alonsio Geerman y famia, Ramiro Krozendijk y famia, Eduardo de Kort y famia



Dr. Roderick “Rory” Gilbert Arends
***01-08-1939 †30-06-2025**

Ex- Director di ATA, ex CEO di AHATA y Vice
President di ELSKA Foundation

Subrino(a)nan, Swa y cuñanan, Primo(a)nan, amigo y conocirnan, bisiñanan

Demas famia na Aruba y afo; Arends, de Veer, Raven, Dubero, Martines, Danies, Nicolaas, Croes, Hintz, Oduber, Maduro, Thiel, Rasmiijn, Villasmil, Krozendijk, Lacle, Bruin, Henriquez, Martinez, Nucete, Tromp, Rico, Hooker, Giel, Harms, Vela Delgado, Fowler, Richardson, Nisbet, Werleman, Kock, Brown, Vargas Sanchez, van der Veen, Quant, Maynard, van der Ree, Eman, Aguirre Giol, Daantje, van den Bosch, Zapata Gómez, Montilla Mavares, Geraci, Bikker, Heronimo, Frigerio, Pietersz, Leon, Theysen, Brugès, Bedoya Giraldo, Garcia, Bislik, Piedrahita Garcia, Muñiz Lopez, Yarzagaray, Diaz, Muños Navarro, Vrolijk, Pãris, Vingal, Ruiz, Muyale, Hassell, Quigley, Meyers, Yegüez Gomez, Weaver, Mansur, Marugg, van Gulick, Tavera Rodriguez, de Cuba, Agudelo, Mathilda, Colina, de Windt, Urueta Arias, de Haseth, Kelly, Pabón Cantillo, Ruta,

Ceremonia na Misa pa e duna honor y cumpli cu su promesa.
Ta invita pa acto di despedida cu lo tuma lugar dia 10 di Juli 2025 na Misa San Francisco di Asis na Oranjestad di 2’or pa 4’or di merdia.
Ceremonia Protocolar pa gradici pa a traha pa Aruba y mundo.
Condolencia lo tuma lugar na Aurora Funeral Home dia 11 di Juli 2025 na Aurora Funeral Home di 6’or di atardi pa 9’or di anochi.

Ceremonia Ultimo Descanso pa e reuni cu su famia den su Gloria.
Acto di entierro lo tuma lugar cu su grupo di famia, amistadnan y ex coleganan di ATA, AHATA, ELSKA Foundation, dia 12 di Juli 2025 di 9’or di mainta pa 12’or di Merdia y lo bai pa Santana Catolico na Oranjestad.

Despues di entierro no ta ricibi bishita di condolencia na cas.

Nos desculpa si den nos tristesa nos por a lubida cualkier persona.